

皇朝史略


十一



						和書門
			三			
一	一	四	八			
五	二	七	〇			
冊	架	函	號	類		



庫文閣内			
三	一	三	和
九	一	八	
函	冊	〇	
一	五		
六	冊	號	
架			

内閣文庫	
番號	和 380
冊數	15(9)
函號	139 61



糊などで貼り付けられている部分がめくれない箇所あり

皇朝史略卷之十一



水府史臣青山延于著

男 延光校

後醍醐天皇 尊治後宇多帝第二子也母談天

門院 藤原師德 治三年立為皇太子至是受禪○三

立皇孫邦良 親王為皇太子增○夏六月左大臣

藤原經平薨○秋八月內大臣藤原公茂張○以前

內大臣藤原實重為太政大臣前右大臣藤原實泰

為左大臣權大納言藤原家定為右大臣權大納言

藤原內經為內大臣家定通教之子內經內實之子

也○冬十二月關白道平罷以內大臣藤原內經為

關白○元應元年夏四月右大臣藤原家定罷○六月關白內經罷內大臣以前權大納言源有房為內大臣有房通光之孫也○秋七月有房薨○閏月以權大納言藤原房實為右大臣前大納言源通重為內大臣通重通賴之子也○冬十月太政大臣實重內大臣源通重並罷以前內大臣源通雄為太政大臣大納言藤原師信為內大臣師信師繼之子也公卿
補○二年夏四月前權大納言藤原為世上續千載補
和歌集增○秋七月前攝政左大臣師教薨○元亨

元年春二月前右大臣藤原公顯薨○秋九日前內大臣源通重薨○冬十一月內大臣藤原師信薨補
○十二月初後宇多法皇聽政院中至是還政增始置記錄所親自聽訟正統記廢諸新關但大津葛葉二關依舊置之太平記帝留意政事夙興夜寐孜孜圖治正統常與儒臣討論經史增時法印玄慧才學冠世太平帝召侍讀玄慧尊信程顥程頤朱熹之學先是經筵專用漢唐諸儒註疏至是玄慧始倡程朱之說云朝野○二年夏六月以大納言藤原冬氏為內大臣冬氏信嗣之孫也○秋八月冬氏罷○左大臣

皇朝通志卷之二十一
卷之二十一
二

藤原實泰罷以右大臣藤原房實為左大臣大納言
 藤原兼季為右大臣權大納言藤原冬教為內大臣
 兼李實兼之子冬教冬平之子也補○九月前太政
 大臣實兼薨常樂○三年春三月關白內經罷以左
 大臣藤原房實為關白○夏五月太政大臣通雄罷
 ○六月關白房實罷左大臣以前左大臣藤原實泰
 為左大臣○秋七月右大臣藤原兼季罷○冬十一
 月以前關白冬平為太政大臣補○正中元年春正
 月前內大臣藤原公茂薨系○夏四月以內大臣藤
 原冬教為左大臣權大納言藤原經忠為右大臣大

納言藤原實衡為內大臣增鏡歷經忠內經之子實
 衡公衡之子也○五月前關白左大臣家平薨系○
 六月後宇多法皇崩壽五十八增○秋八月前內大
 臣藤原冬氏薨常樂○九月初帝怒關東專權密圖
 討之引中納言藤原資朝藏人頭小書作藏人今藤
 原俊基參謀議二人竊裝為修驗者游歷海西關東
 觀察風俗要害資朝為修驗者據增鏡時美濃人士岐賴貞多
 治見國長有勇名會來居京師資朝欲延為同謀乃
 與俊基及大納言藤原師賢中納言藤原隆資左衛
 門尉藤原實世僧游雅玄基武人足助重範等數延

皇朝史略

卷之十一

二

賴貞國長深相結納每會皆露髻散髮坐無位次令
 婦女二十餘人著單紗衣行酒名為無禮講宴語款
 熟竟以計告之賴貞等傾心相謀既而事泄至是北
 條高時遣兵襲賴貞國長殺之本傳為元德元年今
 從增錄保曆間記今
川毛利家西源院
 南都本太平記拘致資朝俊基于鎌倉按本書為
 五月今出
川西源院南都本太平記為正中二年
 今據歷代皇紀職事補任俊基罷年月鞠問不服高
 時怒甚將議廢帝帝欲紓其患遣中納言藤原宣房
 賜誓書於高時事由此得釋太平○冬十二月以太
 政大臣冬平為關白○二年冬十二月前關白內經
 薨補○參議藤原為定上續後拾遺和歌集增是歲

北條高時流中納言藤原資朝於佐渡釋藏人頭藤
 原俊基還京師補○嘉曆元年春三月皇太子邦良
 薨增○錄倉執權北條高時罷時高時嬰疾危篤長
 崎高資勸罷執權高時從之雜髮號崇鑑高資以素
 與金澤貞顯相善援以代之高時弟泰家憤恚雜髮
 高時疾瘳大怒將殺貞顯貞顯懼亦雜髮不出視事
 高資又以已意推高時族守時為執權眾益不服保
 曆
間高時為入舉止無度特以宗嫡襲職增始委
 政於妻父秋田時顯及內管領長崎圓喜二人協心
 勦力一遵泰時約束頗稱無事及圓喜告老使其子

皇朝史略 卷之七

三

高資代之高資乘主昏闇恣作威福專行削贍無所
忌憚海內怨憤激情日離高時昏亂滋甚日夜以酣
飲為事性好鬪犬索諸將吏家及課百姓出以充租
賦遠近競獻積至數千頭厭以梁肉載以籃輿役民
卑之道路遇者下馬俯伏每月十二次分明鬪之召
會諸將觀以為樂群吠狺狺震地如爭尸者聞者皆
惡之京師有田樂戲盛行高時多召優人付諸將各
養一人每讌飾進作戲自高時已下競解衣裝以為
纏頭積成丘堆其費不貲時人皆知其不終焉太平
○秋七月立量仁親王為皇太子歷代皇紀初太子邦良

之薨也帝欲擇諸皇子立之北條高時固執兩宗迭
立之議遂立後伏見皇子量仁為太子增帝遣使鎌
倉諭之曰後深草子孫世襲長講堂領又續大統而
朕禪位之後無封邑以充供給宜以長講堂領屬朕
也高時竟不奉詔帝益憤恚梅松○冬十月內大臣
藤原實衡補任○前征夷大將軍惟康親王薨常樂
○十一月以權大納言藤原基嗣為內大臣基嗣經
平之子也○前內大臣藤原實衡薨○二年春正月
關白太政大臣冬平薨○二月以前關白道平為關
白○三月前關白左大臣房實薨補任○夏六月初陸

與人藤原季長與其族五郎爭事相訴長崎高資兩
 納其賂久而不決二人遂相攻擊至是高時遣兵討
 之無功保曆間記按本書係元○秋八月前左大臣
 藤原實泰薨補○三年冬十月前征夷大將軍久明
 親王薨常樂○十二月以尊雲法親王為延曆寺座
 主天台座親王上第三子也天姿穎敏為上所鍾愛
 太子之薨上屬意親王而北條高時立量仁親王為
 太子故親王不得立遂往梨下為僧至是補座主居
 大塔因大塔宮稱上深惡高時擅權每欲除之是歲
 敕修延曆寺大講堂已成上親臨慶之以親王為咒

願師蓋欲結僧徒之心藉其力以除北條氏親王與
 贊密謀遂廢講讀專習武技趨捷絕倫頗通韜畧太
記○元德元年夏六月前太政大臣實重薨系○冬
 十二月前太政大臣通雄薨○二年春正月關白道
 平罷以右大臣藤原經忠為關白補○二月經忠罷
 右大臣曆代皇紀以內大臣藤原基嗣為右大臣權大納
 言源長通為內大臣長通通雄之子也○三月長通
 罷大納言藤原公賢為內大臣公賢實泰之子也補
 ○夏四月盜殺大判事中原章房時帝圖討北條高
 時密召章房謀之章房固諫帝恐語泄陰命參議平

成輔圖之時有瀨尾兵衛太郎者居雲居寺傍以俠聞成輔啗之以利伺章房出刺殺之

外史氏曰藤原公繼諫後鳥羽帝帝雖不納

猶優容之中原章房諫後醍醐帝而帝殺之

則帝之拒諫抑又甚焉然其致亂二帝一轍

而帝能復位其故何哉蓋方承久之時義時秉

柄輔以泰時上下輯睦士庶歸心元弘之時高時

究逆人心離叛海內思亂此其成敗所以異也

後其子章信殺兵衛太郎以復父讎鳥津家本今川家本金勝院本

太平○五月初帝專與尊雲法親王議東伐之計益

急又召僧圓觀文觀等於禁內咒詛北條高時至是

高時遣兵執致圓觀文觀忠圓等于鎌倉鞠問首服

秋七月高時流文觀于硫黃島忠圓于越後拘圓觀

于陸奥太平○八月關白經忠罷以左大臣藤原冬

教為關白○元弘元年春正月冬教罷左大臣○二

月內大臣藤原公賢罷以右大臣藤原基嗣為左大

臣前內大臣源長通為右大臣前大納言藤原季衡

為左大臣李衡公衡之子也補○秋七月諸國地大

震富士山崩數百丈太平記為元德元年事異今從

本記會後伏見法皇遣使於鎌倉具告朝廷之謀高

時乃會諸將問計眾相視不敢言獨長崎高資進曰
 前者主君不果廢立所以貽此患也為今之計宜速
 遷車駕於邊裔流竄專雲親王執朝臣濠謀者處之
 刑事乃定矣一階堂貞藤諫曰國權東移殆百六十
 年矣按自治承至此百四十餘年此日六十誤威服四海慶流子孫者無
 它故焉以輸忠於天朝而布德於下民也今拘廷臣
 流僧徒此為已甚而又廢天子竄座主神怒人怨取
 敗在近且使我兵威盛疆雖朝廷圖我誰敢與之古
 曰君雖不君臣不可以不臣宜益効臣節聲息則天
 威亦安得不霽哉高資作色曰文武之道緩急異用

威亦安得不霽哉高資作色曰文武之道緩急異用
 承久之事主君所宜法也今而不決噬臍何及矣高
 時深然其言決意圖廢立八月高時遣二階堂貞藤
 等率兵三千至京師遣二階堂貞藤據毛利尊雲法家本天正本太平記
 親王謀知其謀其夜馳使奏曰高時遣兵將遷來與
 于絕島試臣尊雲陛下宜乘夜潛幸南都使近臣詭
 稱陛下而至本寺聲言車駕避賊賊聞之必盡銳來
 攻則本寺僧徒當力戰距之延及數日官軍稍集則
 殲賊必矣今禁旅未集城壁未成而賊兵奄至將何
 以距之國家安危在此一舉願陛下速用臣計不然

則大事去矣時大納言藤原師賢中納言藤原藤房
及弟季房宿直帝召與議藤房曰事已如此宜急出
宮裝車如婦人所乘載帝及神器詐稱中宮如北山
第出陽明門比至三條河原中納言源具行大納言
藤原公敏左近衛少將源忠顯等追至帝更御竹輿
大膳大夫重康姓樂工豐原兼利隨身秦久武等昇
之赴南都遂幸笠置寺使師賢乘御輿赴延曆寺以
縫賊兵六波羅鎮將北條仲時聞車駕幸延曆寺遣
兵攻之尊澄法親王尊雲法親王贊僧徒距戰破之
於辛崎既而僧徒覺非真天子相率叛去師賢奔歸

行在○時帝在笠置近畿之兵稍集而四方勤王之
師未至帝憂之適夢紫宸殿前庭有一大樹南枝最
茂下設御座忽有二卍角迎帝坐之帝覺而異之以
為木傍南楠也意將有楠氏者出輔朕再正帝位也
即召寺僧問之曰河內國金剛山西有楠正成者橘
諸兄之裔也其母嘗禱志貴山毘沙門而生正成故
小字曰多聞以勇武聞世帝謂所夢殆是乃遣藤房
召至行在帝大悅委以興復問滅賊之計正成曰逆
賊暴虐自招覆亡天誅所加茂不尅也夫創業之功
要在謀畧若以力爭則武藏相模之兵天下無敵焉

以謀屈之則易撓也然兵有勝敗或遇小釁勿煩聖慮臣如獲存何患不濟辭歸城赤坂○九月備後人櫻山茲俊起義兵築一宮城太平○北條高時奉皇太子稱帝于京師是為光嚴院毘舍門堂所藏記皇年代畧紀按太平記為十○六波羅鎮將北條時益北條仲時發兵七萬餘犯笠置城固而不能拔高時聞之遣大佛貞直足利尊氏將大兵赴笠置未至笠置陷判官代錦織俊政飛驒守石川義純及子義右死之帝徒步突圍而出唯藤原季房從焉扶行三日夜欲幸赤坂為追兵所執○冬十月六波羅兵奉帝幸平等院親王以下

文武百僚悉見執大佛貞直等請傳神器于新主帝不聽既而貞直等遷帝於六波羅復請傳神器乃授以新器按以新器授新主本書無明文然增鏡云帝親奉神器如隱岐則所授是神器而非真利器明○初正成之城赤坂也城方可二町三面平地守者僅五百人取民儲以充兵食太平慮行在不守方欲迎駕距戰增板築方畢而笠置陷大佛貞直等乘勢奄至兵亡慮三十萬正成先遣弟正季及和田正遠以兵三百伏傍近山中敵兵視城小易之曰直以隻手提去耳輒薄埤急攻城兵亂射雨注殺傷千餘人敵驚沮而退脫甲解鞍就營憩息正季等瞰之

皇朝史略

卷之十一

九

分兵為二鼓譟而進城兵亦開門出盪內外夾擊大破之器械鞍馬委棄載路尋復來攻圍之數重正成豫為機穢俟其四面肉薄而上斷索壓殺千餘人因連投巨石大木殺七百餘人敵更蒙盾競進以鐵搭鉤墜壞城中乃以長柄杓沃沸湯敵皆糜爛自是退守營柵計持久以困之初正成之築城倉猝儲糧不多至是糧盡纔餘數日食正成乃謀眾曰我數有剝而賊勢不排內乏糧食外無救援首倡大義見危授命固所願也然臨事而懼好謀而成勇士所尚我今陽死賊必引歸歸復聚眾出戰令敵疲奔命制勝

之道也眾皆然之正成為一大坑填以死屍積薪于上留一卒戒曰候我行遠縱火燒城會夜大風雨正成乃與眾三五分伴潛過敵營遁去敵不之覺及火起爭入城見坑中焚屍以為正成真死引兵還關東北條仲時北條時益遣湯淺定佛守赤坂○櫻山茲俊略定國中將侵鄰國及王師失利眾皆潰散乃知事不成詔吉備津祠刺殺妻子火祠而自殺太平是歲正成城金剛山即中劍招集義旅保曆○二年春三月北條高時遷帝於隱岐特縱左近衛少將源忠顯從駕遷中務卿尊良親王于土佐尊澄法親王于

讚岐恒良親王于但馬○夏四月車駕至隱岐以國
 分寺爲宮高時命佐佐木清高護衛大平○京師改
 元正慶增○楠正成復赤坂城湯淺定佛降于正成
 并其衆徇和泉河內五月進屯渡邊搗京畿大震仲
 時時益遣隅田通治高橋宗康將兵五千餘來改正
 成伏兵於天王寺側令弱卒三百守搗皆羸馬繩轡
 及戰輒走以誘敵兵比過天王寺伏兵起敵大敗退
 至橋人馬沒溺死者無算○北條高時殺參議平成
 輔初帝之謀討高時成輔參與機密及笠置陷成輔
 就擒至是斬之於相模早河尻遷大納言藤原師賢

于下總前權大納言藤原公敏于下野權中納言藤
 原藤房于常陸參議藤原季房于下野增鏡○太平
 陸誤○六月北條高時殺中納言藤原資朝于佐渡太平
記爲元弘元年今從補任右中辨藤原俊基于相模弘元年今從
常樂中納言源具行于近江○七月北條仲時北條
 時益遣宇都宮公綱將兵五百攻天王寺和田某謂
 正成曰田隅高橋五千兵我已破之今公綱來攻兵
 僅數百來勝逆擊蔑不尅矣正成曰兵在和不在多
 公綱坂東驍將從以紀清兩黨且彼承敗衄之餘驕
 軍孤進志在必死使我能拒所亡亦多天下之事豈

綱目卷之十一
 十一

止今日宜愛士卒以圖後舉也我今輸彼一籌引退
 數日出奇謀之則坂東博輕之士氣索而去矣此所
 謂不戰而屈人之兵者也遂延兵而退居數日遣卒
 三百及民兵數千盛列炬火星布山澤如此連夜滋
 多滋逼公綱勒兵嚴備意其眾日威也果潛軍還正
 成料敵出奇率此類也○是冬護良親王城吉野初
 尊雲避難匿十津河畔載蓄髮還俗更名護良更名據梅
 論至是據吉野下令赤松則村使倡義則村起兵播
 磨城苦繩以絕山陽山陰兩道由是京師失鎮西之
 援官軍聲勢日益振○三年北朝正春二月北條高

時復大發兵遣二階堂貞藤攻吉野大佛高直本書作貞
直今從保攻千劍破阿曾時治攻赤坂時正成使平
 野將監守赤坂將監距守旬餘城有暗渠為敵所泄
 時又久旱兵士困水敵仍以火箭焚樓櫓將監力盡
 而降是月伊豫人土居通治得能通言起兵本州與
 長門探題北條時直戰于伊豫星岡大敗之○閏月
 二階堂貞藤陷吉野城左馬權頭村上義光死之護
 良親王走高野山貞藤與時治合勢攻千劍破兵眾
 甚咸城東西臨谷南北接金剛山壁立數十仞敵恃
 其眾肉薄攻之城中大發矢石拒之敵死傷無算乃

令軍中禁擅進安營環守城有泉五道雖旱不涸正
成作大槽數百蓄水又每雨承屋溜於槽以故水常
得足敵疑其外汲令名越前守將兵三千守東溪
正成偵守者稍怠急擊走之獲其旗幕翌日張之城
上以辱之越前守愧忿率兵五千拔柵進薄城兵下
巨木仍大射之死傷略盡敵知其不可猝拔益成持
久之計正成乃作藁人數十被之以甲羅之城外晦
爽鼓譟誘敵敵兵不曉競赴藁人城上乃連下巨石
殺傷八百餘人敵又爲雲梯攻之正成作炬數十投
梯梯然敵墜崖谷而死者數千人會近郡土兵奉護

良親王令絕賊糧道賊兵大困逃亡相繼○時所在
義兵並起四方豪傑響應兵勢大振北條高時慮有
通謀於行在者乃命佐佐木清高嚴守衛清高乃發
州郡兵守之日夜警護遏絕內外不得通特富士名
義綱守中門竊謀奪車駕以舉義無由言之會帝夜
使侍姬賜酒義綱義綱喜得間因密附奏曰方今楠
正成據金剛山赤松則村屯摩耶山伊東惟群築塞
三石土居得能倡義四國四方官軍不期而響應此
國家興復之秋也願陛下以臣直日出宮乘船以幸
出雲伯耆之間二國將士必有應召者臣亦陽為追

皇朝通志 卷之十一
官家來屬禁旅也帝聞之大喜乃以侍姬賜之以察
其情偽義綱感激効節之志益堅帝乃使義綱赴出
雲招集義旅義綱為鹽冶高貞所拘帝遲之久而不
至乃與源忠顯謀佯為宮人月滿出宮者夜潛御腰
輿出宮道片輿徒步夜暗不知所嚮帝履踐甚艱忠
顯扶之而行叩路傍人家問千波津主人見而憫之
負帝至津覓舟御焉舟人知帝非常人曰小人幸得
執役敢請所之忠顯曰汝已識貴人我不敢隱此即
當今天子出隱岐行宮急欲幸出雲伯耆之間指形
便之地赴之異日事濟必重賞汝舟人喜解纜疾馳

佐佐木清高發輕舸追及舟人乃匿帝與忠顯於船
底覆以藁魚兵士上御船遍搜而不獲問曰汝見貴
人乎否舟人給曰夜半有舩出港一人著冠一人著
烏帽今行可十里殆是乎追兵轉舵去已又有敵舸
百餘隻追至會風止御舩不得前舟人恐懼帝乃於
懷中出佛舍利投之海默禱須臾風復起敵舟飄蕩
不知所之遂至伯耆名和港忠顯登岸問土人曰此
地有以武著者耶土人答以名和長年忠顯直造其
所居宣旨委託長年奉帝據舟上山聚眾衛護清高
聞之率兵三千來犯長年擊而大破之將士或降或

死清高道還於是諸國勤王之師望風悉至出雲守
 護鹽冶高貞與富士名義綱等率兵來歸兵勢大振
 ○兒島高德備前人備後守範長之子也稱備後三
 郎夙好讀書夙好讀書燕天初帝之在笠置也謀起
 兵勤王會行在失守車駕西狩高德聚族議欲奪車
 駕于路乃要之於舟坂山已而車駕自山陰道計竟
 不成乃踰三石山徑赴杉坂則又不及焉於是眾皆
 散去高德欲見帝道其衰微服夜至御館竟不得間
 庭有一櫻樹輒斫使白題之曰天莫空勾踐時非無
 范蠡明日衛士見之以白帝帝心竊自喜至是與父

共詣行在○三月赤松則村與六波羅兵戰累破之
 遂長驅入京師太平新主與新院避之於六波羅皇
 竟則村與六波羅兵戰不利帝敕源忠顯師山陽山
 陰二道兵援則村菊池武時起兵討筑紫探題北條
 英時於博多不克死之增○夏四月先是但馬
 守護太田守延奉恒良親王會源忠顯于丹波至是
 忠顯奉親王陣于西山峰堂赤松則村與左近衛中
 將源定平及僧良忠攻六波羅不利忠顯又與六波
 羅兵戰見敗守延戰死忠顯奉親王走男山○北條
 高時遣名越高家足利尊氏將大兵援六波羅尊氏

皇朝史略
 卷之五
 十五

遂遣使行在納款太平尊氏源義家之裔讚岐守貞
 氏子也源氏初高時遣諸將攻笠置也尊氏適遭父
 喪高時強起之尊氏不獲已耕之城陷而還至其尊
 氏適疾高時屢促之尊氏怒謂往年丁艱彼不之惠
 反趣赴役今我罹疾又復見逼虐死何至此太平怒
 謂以不獲北條家南始有歸順之志尊氏累世以源
 氏都天正本太平記始有歸順之志尊氏累世以源
 氏曾胤憤為北條氏所制每有圖之之志而終不果
 論梅松尊氏欲乘釁濟先人之志即力疾而起將携家
 累以從軍長崎圖喜勸高時使其作誓書留妻子為
 質任尊氏果叛高時子千壽王亦潛逃○赤松則村

與名越高家戰久我暇則村部兵佐用範家射殺高
 家眾皆潰走○五月源忠顯進軍竹田足利尊氏屯
 神祇宮赤松則村陣東寺三面薄攻敵穿塹列柵守
 備甚嚴則村部下妻鹿長宗督力絕入踰塹倒柵塹
 為之平則村兵競進六波羅兵大敗則村與忠顯尊
 氏合勢圍六波羅北條仲時北條時益奉新主及二
 上皇東走時益中矢而死官軍遂收復京師○兵部
 卿守良親王起兵要擊北條仲時于近江番馬仲時
 敗死獲新主及二上皇太平○詔停關白冬教左大
 臣藤原基嗣官復左大臣藤原道平補○上野人

新田義貞攻破鎌倉北條高時伏誅鎌倉悉平征夷
 大將軍守邦親王雜髮太平記自源賴朝開府至此
 百七十餘年而鎌倉亡矣神皇正統記義貞源義家十世
 之孫也圖世食新田郡世良田楠正成之據千劍破
 也義貞從東軍攻之竊懷歸順之志與其臣舟田義
 昌共謀欲得護良親王令旨以舉義義昌以計請而
 得之義貞大悅明日遂稱疾還鄉里日會宗族子弟
 謀誅高時及穴波羅兵失利高時倍發大兵徵糧郡
 縣以世良田素多豪富特課以錢六千萬限五日辨
 遣吏催督義貞執而梟之高時大怒將移兵來討義

貞乃與弟義助率大館宗氏堀口貞滿巖松經家里
 見義胤等百五十人至生品祠前舉義旗其日薄暮
 越後甲斐信濃諸源相繼來會比至武藏眾至二萬
 餘聲勢大振與高時將櫻田貞國北條泰家戰累破
 之進至關戶分軍三道並進大館宗氏攻極樂寺坂
 敗死義貞乃率精兵二萬夜從間道赴之敵兵數萬
 固守坂上柵多列戰艦于海岬軍不得輒過義貞乃
 下馬面海禱潮退解佩刀投之海及曉潮退四五里
 戰舸皆隨而漂去義貞大喜麾眾直入府中守坂敵
 兵駭愕不得赴距江田行義堀口貞滿諸軍繼進所

在縱火適風怒甚煙燭蔽空府第悉焚衆乘勢掩擊
 殺獲無算高時遂逃葛西谷舉族自殺自出師至此
 僅十五日乃馳使奏捷行在○車駕發舟上山次兵
 庫時鎌倉捷報未至上下猶懷危懼至是捷書始至
 衆咸莫不驩呼敕授使者官授官據天正本太平記○六月初
 楠正成據千劍破城東兵圍之累月不能拔及六波
 羅敗諸將解圍而去至是正成率兵七千迎謁于兵
 庫帝親勞之曰國家再造實卿之功也正成拜謝曰
 不賴陛下威靈臣曷得出重圍復有今日哉詔前驅
 入京師太平記○車駕還宮時議者或言宜用重作之

禮左大臣藤原道平奏言陛下雖在外久然躬奉神
 器臣以為宜用巡狩還宮之儀帝從之去正慶號悉
 削新主所署官爵增鏡補罷置關白增鏡○詔復源長
 通右大臣藤原公賢內大臣補○以護良親王為征
 夷大將軍初尊氏之克京師也忌親王威名竊圖除
 之會親王候人殿法印良忠部曲剽掠都丁尊氏遣
 兵捕而梟之親王聞而大怒遂圖誅尊氏更約束士
 衆繕修器械時勤王將士會集京師聞其欲有所討
 各懷危懼物情洶洶帝遣參議藤原清忠詔還初服
 親王答詔曰方今大敦殄滅兆民慶賴雖由陛下神

皇朝史略

卷之七

十一

武之所致愚臣亦與有勞焉臣竊以雖天下已平兵
 備未可遽弛故纂嚴以警不虞若應明詔不審閣外
 之寄其誰任之足利尊氏憑藉天威僅効微勞乃凌
 侮忠勲陰懷跋扈之志若不及其勢微而剋鋤則是
 又生一高時也望請天眷特借臣一員戎號為陛下
 誅豎子消禍亂於未萌也帝報曰尊氏未有罪責一
 且加戮將士解體誰為朕用王勿妄舉失眾心也若
 其執節旌鎮廟社朕嘉乃志且從其所請乃拜征夷
 大將軍封以北條泰家食邑自是親王漸聒聲色譽
 望稍衰○中務卿尊良親王尊澄法親王中納言藤

原藤房及僧圓觀文觀忠圓等至自遷所○詔源定
 平楠正成討北條高時餘黨于南都招宇都宮公綱
 降之於是降者相踵阿曾時治大佛高直二階堂貞
 藤等剃髮出降○秋七月斬時治高直等於阿彌陀
 峰特宥貞藤○八月諸國將士悉朝京師左兵衛督
 足利尊氏為武藏常陸下總守護弟直義遠江守護
 新田義貞上野播磨守護子義顯越後守護脇屋義
 助駿河守護楠正成攝津河內守護名和長年因幡
 伯耆守護赤松則村播磨守護尋奪則村職賜以佐
 用莊

太平記按本書係明年今據
公卿補任尊氏為武藏守條

皇朝史略 卷之十一 十一

是賜御名一字以寵之補○置決斷所議軍士賞使
 權中納言藤原實世掌之將士爭奉功狀集者數萬
 率多詐冒實世不能甄別經旬月僅銓定二十餘人
 尋又以所考冒濫見收奪敕中納言藤原藤房掌其
 事藤房乃甄別真偽擬授略備而內特降旨行賞尤
 多猥濫藤房知不可諫稱疾不視事更以民部卿藤
 原光經代之光經備加參驗欲奏而頒行而內旨又
 以高時邑充供御料大佛貞直邑給准后藤原氏北
 條泰家邑賜護良親王其餘分賜衛府諸司宮閣倡
 妓之輩殆無遺地有功將士虛手王者依違而已或

以一邑授數人相爭紛掣大為擾動天下復思亂矣
 ○九月二階堂貞藤陰圖不軌伏誅太平記○是秋護
 良親王罷征夷大將軍任兵部卿保曆間○冬十月帝
 以天下新定思欲鎮撫東陲以參議源顯家為陸奧
 守出鎮陸奧出羽前大納言源親房輔之顯家以不
 閑戎事固辭詔曰古昔皇子皇孫及執柄大臣子內
 輔朝政外總我旅方今海內統一內外共貫文武之
 用何為二塗其邁往守爾藩屏顯家不得辭疆就任
 欲請皇子藉重乃奉義良親王行帝親書旗銘賜之
 時縉紳赴任事久廢缺及顯家出悉依循舊儀帝賜

皇朝史略
 卷之十一
 二十一

衣馬於御前遣之

正統記元弘
日記裏書

置議定眾引付眾以

掌國務

建武二年記

顯家親房之子也

補

○十二月詔號

廢主為太上天皇

皇紀

皇代

外史氏曰孔子曰名不正則言不順言不順則事

不成量仁親王既為帝儲貳方帝之蒙鹿則

監國稱制固其宜也然帝未讓位太子既為賊

所立斥為閏位則帝之復位勢不得不廢既已

廢之則故親王也安可以尊號加之哉名之不正

莫斯之甚恢復之初庶績草創而紀綱紊亂如此

宜其再致播遷也

○以成良親王為上野太守出鎮鎌倉以左馬頭足

利直義為相模守輔之

正統記元弘
日記裏書

○建武元年春

正月營大內以安藝周防租賦充其經費徵諸國地

頭所入二十分一安元以後大內久廢及是盛興土

木大營宮室用度不足始用楮幣

太平

○立恒良親

王為皇太子

皇紀

○二月右大臣源長通罷以前關

白經忠為右大臣補先是罷關白特詔左大臣藤原

道平右大臣藤原經忠參輔庶政

天正本太
平記增錄

○詔鑄

新錢文曰乾坤通寶銅楮並用

建武二年

○三月北條

高時餘黨本間某澀谷某反襲鎌倉足利直義討平

皇朝史略

卷之十一

十一

之元弘日記裏書梅松論 ○夏五月出雲守護鹽冶高貞獻千里馬骨相異常且出本州暮到京師帝大悅養于左馬寮呼為天馬一日帝幸馬場殿問內大臣藤原公賢曰天馬之出未之前聞屬當朕世不求而至其應如何公賢歷徵故事以贊時瑞群臣稱賀權中納言藤原藤房後至帝又問之對曰臣聞穆王愛八駿而周政衰孝文光武却千里馬而漢業盛此二者得失之機盛衰之効昭焉可睹矣今天馬之出臣愚固不足以知之然竊謂此蓋出時多秕政天其或者將生尤物以蕩君心也何則方今天下初定創夷未復此

執政吐甫諫臣抗疏協贊政治之秋也而百辟偷安庶僚阿諛國家安危置而弗問嚮者播蕩之日天下之士爭先赴義者其志在於建勲邀賞幸屬靜謐忠勤之士思浴恩澤群集闕下日造記錄所新決所各上其功狀委積成堆而主者不時決遣賞典所及非朝臣則其參佐僚屬凡有功將士繫遺叙錄則情冤缺望相率歸鄉竊歎時政枉濫有司不公而群臣徒視訢牒日減以為虞芮訟止無為所化何其謬也有司宜速論切行賞以慰將士之心而營繕大內顧與不急之役陪課郡國之賦入使民重困諸國則國司

秉權賤吏乘勢豪奪貞應以後新建莊園在廳官人
檢非違使健兒所等擅為威福而守護懷失職之歎
且如將軍家人之躰賴朝以來相承有年及于聖世
削奪其號將門名族降伍編氓怨讟之興職此之由
足利尊氏新田義貞楠正成赤松則材名和長年等
殄滅大憝効忠皇室同功一體固無優劣而至則村
被前所補守護職僅賜其舊邑不知則村何罪而陛
下遇之如此也古云賞當其功則有忠者進罰當其
罪則有咎者退當今之政不當賞罰失當將俾綸旨
有翻覆之譏陛下之政如此而此馬適至是殆胎既

亂也夫德之流行速於置陸而傳命則聖化及遠何
須此馬異時若有不逞之徒方命倡亂天下之士將
響應影從則此馬適足以為軍國告急之資也伏願
陛下裁玩物之志而留心於仁政矣帝不釋而罷及
後足利尊氏及帝遣人乘天馬召新田義貞於尾張
半道而斃果如其言○秋八月有怪鳥夜鳴紫霄殿
上藤原廣有射獲之人首蛇身長丈餘太平記○九月
內大臣藤原公賢罷以準大臣藤原定房為內大臣
補○冬十月權中納言藤原藤房棄官而去時帝方
事興作耽於宴遊藤房屢諫之帝不納藤房謂為臣

之道於我盡矣一夕侍帝諷以比干夷齊之事至曉
 而退即放還車徒徑入北山巖藏為僧按藤原房為僧
 本書為三月
今從補帝大驚命父宣房索之將再任用宣房帥至
任皇紀曠藏則藤房既去矣太平○右大臣藤原經忠罷以
 前關白冬教為右大臣補○禁兵部卿護良親王於
 馬場殿初親王惡足利尊氏所為欲除之密下令徵
 諸國兵士尊氏知其終不利已結帝寵姬藤原氏誣
 以謀反因上其徵兵書使藤原氏徵焉帝素不悅親
 王違詔然以其建大功勉從其請及得尊氏奏赫然
 發怒託中宮和歌會召親王命武士執之誅其親臣

三十餘人親王憂憤莫能自明上書訴冤有司畏憚
 屏而不奏○十一月流護良親王於鎌倉足利直義
 遣兵衛護幽之地牢太平○是歲以上野太守成良
 親王為征夷大將軍正統置關東廂番以足利氏族
 掌治其事建武二○二年春二月左大臣藤原道平
 薨內大臣藤原定房罷以右大臣藤原教為左大
 臣前內大臣藤原公賢為右大臣權大納言藤原經
 通為內大臣經通內經之子也補○夏六月權大納
 言藤原公宗謀逆使左近衛中將源定平等攻之禁
 于定平第太平公宗實衡之子也補○秋七月北條

皇朝史略 卷之十一 九

時行肅聚餘黨作亂族人名越時兼應之時行進攻
 鎌倉足利直義距戰敗績時行乘勝進直義奉成良
 親王西走慮護良親王為患使淵邊義博殺之窟中
 幽暗親王方照燭讀經見義博奮然起曰汝欲殺我
 乎進奪其刀義博乃斫膝踏之親王縮頸嚙刀折鋒
 寸許義博更拔剖刀刺之遂遇害時年二十八義博
 提其首將示直義視其面如生猶銜刀鋒異而棄去
 侍姬索而獲之目猶未瞑乃與致光院僧收屍火之
 齋首歸京師天下聞而寬之太平記 ○八月藤原公宗
 伏誅補初公宗累世與鎌倉相為板障子日國每

出其家以故貴顯無比自高時伏誅公宗內不自安
 常思復北條氏匿高時弟泰家日夜共謀作亂乃計
 欲令泰家及高時子時行等一時並起竊圖弑帝為
 浴室于北山第牀下多植刀刃設機可陷邀帝遊宴
 帝許之至期弟公重馳上變即遣兵收之至是密令
 名和長年誅之太平記 ○初天下新定政歸皇室朝臣
 方欲賴恢復遠韋郡縣兵馬之制一復徃古排抑武
 人守護威令不行所在將軍家人下編民伍由是衆
 情憤怨思天下之權復出將門足利尊氏素有大志
 矜貴自居寵擢驟至意望不厭期必得源賴朝之比

皇朝史略 卷之十一 十五

常窺時變圖以濟宿謀直義為之計畫然外示忠款
 以媚朝廷帝不之悟及陷護良親王奸計滋甚太平
論會北條時行破鎌倉兵勢日熾太平尊氏苦請往
 討詔許之又請任征夷將軍管領東國帝不聽更任
 征東將軍正統記○保曆間○尊氏怒不辭而發於是
 武人失職者一時雲從梅松遂與直義擊時行破之
 進入鎌倉太平帝遣藏入頭源具光召還之尊氏不
 奉詔保曆間○冬十月足利尊氏自署征夷將軍
 東國管領遂據鎌倉反擢賞有功撫納降附關東之
 士多歸之者時新田義貞亦以源氏宗胄族望佯於

尊氏俱為中興勲臣尊氏每害其功至是盤據關東
 八州之地擁兵數萬自謂乘此時除義貞則其勢足
 控制朝廷而執天下之權也又欲帝助己以討之上
 書列其罪狀乃命奪義貞領邑在關東悉分配部下
 義貞聞之亦收管內所有足利氏采邑上書陳其逆
 狀帝聞直義殺護良親王事大怒西國又進尊氏反
 書遂命討尊氏太平時尊氏因賴朝舊跡大營第宅
 叛意益堅梅松論○十一月以參議源顯家為鎮守府
 將軍建武二年以中務卿尊良親王管領東國賜節刀
 于左兵衛督新田義貞將兵六萬七千餘自東海道

兵部少輔和氣屋義助治部大輔宇都宮公綱肥後
守菊池武重左近將監大友貞載鹽冶高貞等屬之
大智院宮名彈正尹忠房親王權中納言藤原實世
修理亮江田行義等將兵五千餘自東山道以討足
利尊氏義良親王鎮守府將軍源顯家發陸奥出羽
兵並與諸軍會義貞與尊氏兵戰于矢矧走之○細
川定禪起兵讚岐應尊氏備前入飽浦信胤田井信
高及據福山城太平記○詔削奪尊氏等官爵○越中
守護普門利清反能登國司近衛中將源定清死之
太平記○左大臣藤原冬教罷以前右大臣藤原經忠

為左大臣○十二月新田義貞與足利直義戰于手
越河原大敗之義貞進與直義相待于宮根和氣屋
義助大友貞載鹽冶高貞等奉尊良親王與尊氏戰
于竹下敗績左近衛中將藤原為冬死之貞載高貞
降尊氏官軍大潰退屯尾張○召新田義貞還京師
足利尊氏躡官軍後西上招誘諸道兵並趣京師○
赤松則村叛丹波人久下時重波波伯部為光中澤
玄甫應足利尊氏攻守護碓井盛景盛景走攝津○
延元元年春正月使左兵衛督新田義貞守大渡權
大納言藤原公泰兵部少輔和氣屋義助守山崎河

皇朝通志 卷之七十一 州七

內守楠正成守宇治參議源忠顯伯耆守名和長年
結城親光等守熱多權大納言藤原師基守峰堂久
下時重等攻峯堂帥基敗走時重等進據老坂兵部
大輔江田行義擊時重走之尊氏攻大渡細川定禪
赤松範資攻山崎官軍敗走宇都宮公綱大友氏泰
降于尊氏義貞走還京師帝奉神器及二法皇幸延
曆寺細川定禪陷京師縱火燒營尊氏進入京師遣
定禪擲園城寺○鎮守府將軍源顯家奉義良親王
率軍尾尊氏至坂本尋而彈正尹忠房親王權中納
言藤原實世等帥兵二萬至自東山道與新田義貞

楠正成名和長年等擊尊氏大破之尊氏西走遂復
京師○二月宇都宮公綱來降源顯家新田義貞楠
正成追足利尊氏至攝津累戰破之尊氏直義走筑
紫義貞等振旅還京師○初藤原行房女弟入宮充
掌侍為勾當有殊色義貞嘗夜直見其月下彈琴心
竊悅之贈和歌道其情不報及車駕還京帝賜以掌
侍義貞繾綣溺愛逗撓不進使尊氏得逸京師再陷
而中興之業不成議者憾焉太平記○以義良親王為
陸奧太守源顯家為鎮守府大將軍建武二年結城
宗廣奉以歸鎮親王任陸奧太守始此正統元年弘

皇明史略 卷之二十一 北九

時仁木賴章據丹波高山寺赤松則村據播磨白旗
城石橋和義起備前於是美作備中土豪一時蜂起
悉應尊氏太平記 ○成良親王罷征夷大將軍職原 ○
三月詔左近衛中將新田義貞管領山陽山陰十六
剌討足利尊氏義貞適疾遣江田行義大館氏明于
播磨擊赤松則村敗之義貞尋發圍則村於白旗城
則村詐請降義貞信之馳取朝旨往反十餘日則村
既已繕完守備乃為嫚言指斥朝廷義貞怒合圖數
重意期必拔而旬餘不能下乃遣義助攻石橋和義
於船坂山 ○夏四月後伏見法皇崩壽四十九享年
攝正

統 ○備後守兒島範長及子高德起兵備前熊山與
脇屋義助攻船坂城拔之義助進圍三石城太平記 ○
置武者所以新田氏族為長官建武二年 ○五月足利
尊氏將舟師七千餘艘直義將步騎二十萬水陸並
進直義攻福山城大井田氏經敗走脇屋義助馳使
告敗新田義貞報曰賊水陸並進若欲遏陸軍恐水
軍直入犯關不若且退攝津以扼兩軍而蔽帝都子
宜解圍還會山里也義貞竟解白旗之圍退屯兵庫
士卒逃亡過半馳驛以聞舉朝震駭乃命河內守楠
正成赴援正成奏曰敵收九州軍勢猖獗以我疲兵

皇朝史略 卷之十一 十九

恐不能禦宜召還義貞車駕移蹕山門縱敵入京師
招集畿甸兵塞水路絕糧運待其疲散然後前後齊
進可一舉而斃也義貞之計亦當及此但不戰而退
涉于物議故不輒歸耳夫戰者雖始之或負欲終之
有剝請加再思參議藤原清忠曰自王師東征迄賊
西走威靈所加莫不以寡制眾是皆天助非戰略也
況今賊軍必不及嚮時之盛且節度使未與賊接鋒
而陛下遽棄京師則征討將士亦將生退志今春已
幸延曆寺今復移蹕于彼何以示萬乘之重哉臣謂
宜速遣正成決戰都外帝從其言正成至櫻井驛以

帝所賜菊作刀與子正行以菊作刀與正行戒以滅
賊匡天下之言遣還河內遂進陣湊川與直義接戰
死之

外氏史曰方足利尊氏悉九州之精銳席卷而東
也其鋒不可當而義貞驅疲兵集散卒決勝負於
一戰固為失策曷使帝從正成之言義貞義助
諸將旋軍引敵入京師曠日持久以撓其銳氣然
後設奇計以擊之茂不捷也惜乎帝慮不及此
用少年推鋒之計一敗塗地終使姦賊得志可嘆
也夫



義貞與尊氏戰于兵庫敗績走歸京師車駕倉卒幸
 延曆寺促法皇廢主詣行在太平法皇廢主稱病留
 京師尊氏進陷京師元弘日初尊氏之走兵庫也赤
 松則村說尊氏曰今士卒疲弊不可濟功宜暫趣筑
 紫休士養銳徐議再舉也夫戰以旌旗為眼目官軍
 皆樹錦旗而我無之故彼以我為賊也自鎌倉滅持
 明院上皇內懷快鬱若請其院宜建以錦旗天下之
 士蔑不響應今茲大將軍在西而出軍東方此所以
 無利也今如鎮西以徇四國九州率軍以東上此萬
 全之策也尊氏從之至是軍果有功太平○六月足

利尊氏入據東寺迎法皇廢主于男山北條家西源院南都木太
 平遣兵犯行在新田義貞及諸將守東坂穿塹施柵
 又列戰艦于湖上選射手以備防禦賊兵不得逼近
 參議源忠顯左近衛少將藤原雅忠守西坂特險不
 設備賊兵進攻之忠顯雅忠賊兵來勝來進死之義
 貞公綱等赴援破之賊兵大潰自相蹈藉死者千計
 義貞因屯大嶽使義助守東坂明日賊兵又攻東坂
 填塹燒樓櫓官軍叢鏃射之飛矢雨下賊兵死傷甚
 衆義助等開門出盪土居通治得能通言等率兵陣
 白鳥岡見義助出戰徑進橫擊賊軍遂引退始約兩

坂有急各鳴鐘相報詰且有群獫亂撞寺鐘諸軍以為敵至爭馳集東西坂賊軍望而擾動因下擊大敗之賊人馬蹂躪死者無算獲賊將高師重賊兵遂潰散義貞進收東寺不利名和長年死之按本書長年今從梅松論常樂記○秋七月前權大納言藤原師基率北國兵至延曆寺官軍又振新田義貞及師基分兵二道並進收東寺有叛者以計報賊義貞復敗歸坂本帝以為官軍累敗由僧徒漏謀詔以木州國街充延曆寺以悅僧徒之心於是僧徒遷牒興福寺乞援興福寺應之近畿兵士相踵送款乃分遣諸將扼要害絕

賊餉道賊軍大困義貞乃與諸將剋日四面攻京至期義貞入辭帝溫顏勞獎親剪所御紅袴以頒賜士卒義貞感激拜謝曰成敗利鈍非臣之所逆料但臣今日不向賊發一矢者必不生還乃分兵為三所在縱火轉鬪前賊兵皆披靡莫敢拒者遂至東寺望尊氏營大呼曰天下洶洶以吾二人勿徒求功利害生民為也願單騎決戰乃注箭射之矢軼樓櫓著尊氏所坐屋梁沒鏃矣俄而賊兵從後奄至義貞馳突而出賊復雲合圍之數重射中其額流血滋甚義貞決死力戰初帝寸斷紅袴以賜將士士皆奮激綴之

皇朝史略 卷之十一 卅二

笠號而出至是其兵八百殊死而戰潰圍入擁義貞而去太平記○八月足利尊氏奉後伏見皇子豐仁親王稱帝于京師是為光圀院仍用建武號皇記○冬十月初帝幸延曆寺自六月至九月從駕士二十萬皆取給於僧徒至是敵又斷東北糧道日軍屢出爭之不克軍士饑困逃亡相繼部伍日減足利尊氏上書陽降請車駕還京師帝聽之敕新田義貞奉皇太子專勾當軍國事經略北國○車駕還京師御華山院足利尊氏置兵監衛奪公卿以下官職拘諸將士○新田義貞與藤原實世等奉皇太子赴北國尊澄

法親王走遠江式部卿懷良親王走吉野藤原隆資走紀伊藤原師基藤原光繼源定平走河內前大納言源親房走伊勢本書不載師基光繼親皇太子至房今據異本太平記近江鹽津土居通治得能通言遇敵戰沒進至越前氣比社司氣比氏治遁入金崎城足利高經仁木賴章等將大兵來攻城兵衆高連發矢石敵死者日千數竟不能拔太平記○十一月足利尊氏詣傳神器于新主帝以虛器授之毘舍門堂所藏皇記畧記○越前人瓜生保起兵杣山推式部大輔脇屋義治為將足利高經分兵攻杣山保擊走之太平記○新主以帝第七子成

皇朝史略 卷之十一 卅三

良親王為太子正統○左近衛少將源顯信起兵伊
保曆○十二月帝潛出華山院幸吉野本書係八
弘日記○初帝之在華山院足利尊氏分拘左右侍臣
裏書獨縱三條景繁得給事焉一日景繁因勾當內侍奏
曰新田義貞據金崎城累破賊兵而劍白山僧徒攻
富樫介那多城拔之謀為義貞援北國官軍復振而
從駕將士為賊所拘者如菊池武重日吉加賀法眼
等今多逃去舉義本國義滅之機已兆矣願陛下乘
間幸大和據險保守頒詔四方以增義旅之聲野輝
皇威于宇內也帝喜夜蒙婦人衣使內侍齎三神器

從壞垣而出景繁擁帝上馬負荷神器與公卿數人
從之時夜闇咫尺不辨太平帝望路傍隱然如有祠
宇願問之侍從忠房忠房對曰稻荷祠也帝作歌禱
之忽有赤氣如炬起于祠上照路如晝吉野隨光南
行天明至穴生遺景繁招諭吉野山僧徒吉水院主
宗信等遣僧兵三百來迎帶刀楠正行和田正朝真
木定觀等亦率兵迎衛近畿兵日至行在乃使渡邊
忠景賜詔書于新田義貞令圖興復太平○足利尊
氏幽成長親王正統○二年春正月伊賀守里見時
成及瓜生保僧義鑑率兵援金崎不克死之自是外



援斷絕糧食已竭採海物以充食後乃每且宰馬以
食將士而天時方溫雪融路通敵兵日集城下至十
萬三月義貞與義助藤原實世潛踰城赴杣山招徠
援兵敵兵遂陷金崎城皇太子被執尊良親王及藤
原行房新田義顯里見時義氣比氏治等死之○是
夏前治部大輔宇都宮公綱至吉野尊澄法親王起
兵于遠江井伊城大館氏明起伊豫江田行義守丹
波高山寺城治部大輔金谷經氏守丹生山北條時
行馳使奏請討足利尊氏自贖詔許之○秋八月鎮
守府將軍源顯家奉義良親王率兵西上與足利義

詮兵戰于利根川破之太平記奉義義詮小名千壽
王尊氏次子也系初尊氏之屬官軍義詮在鎌倉家
人抱走下野高時滅後家人奉義詮居鎌倉尊氏遣
細川和氏等輔之關東將士多去義貞而歸義詮梅
論太○冬十二月宇都宮公綱新田義興北條時行
等發兵會源顯家進攻鎌倉克之足利義詮出走義
興義貞次子也是冬義貞據杣山與足利高經相待
○三年北朝曆春正月源顯家與土岐賴遠桃井直
常戰于青野原敗之太平○前內大臣藤原定房薨
任補家稱吉田定房經長之子也系定房父子相繼諸

皇朝史略
卷之廿
北六

練朝典並有日錄長經所記曰吉續記定房曰吉槐
記○二月源顯家與高師泰戰于雲津川敗之三刀谷文
書難太進屯南都太平與桃井直常戰于南都及四
天王寺敗績走河内義良親王宗良親王赴吉野取
元弘日記裏書宗良即尊澄蓄髮更名宗良新業○
太平記李花集新田義貞拔越前府城足利高經走保足羽城餘黨
望風崩潰北陸響應四方義軍復起○三月源顯家
出師和泉遣弟顯信守男山高師直進圍之○夏四
月足利尊氏酖皇太子恒良及成良親王初太子之
被執也足利高經檢視首級惟有新田義顯里見義

氏首高經問太子以義貞義助等存亡太子以為以
實告之則彼必急攻杣山乃給之曰聞前日薄暮義
貞兄弟自殺從者火屍營中高經信之以彼山無勅
敵彼自出降不須勞師使兵士護送太子於京師與
成良親王共幽一室及是義貞義助出杣山連技數
城兵勢大振尊氏直義大怒曰是信東宮之言而緩
杣山之故也乃命柴原氏光耽焉氏光齎藥謁曰太
子幽鬱恐生疾直義使臣獻藥成良曰無病進藥是
愛我也焉有愛人而幽閉一室者乎是必毒藥也將
投之地太子曰彼欲殺我縱不飲豈有全理乃偕

成良飲藥而薨太平記○五月源顯家與高師直戰于
 界浦死之正統記是夏手詔促新田義貞救男山義
 貞遣義助率兵赴援○秋七月高師直縱火焚石清
 水宮太平記源顯信棄男山保河內元弘日脇屋義助
 至敦賀聞男山陷班師○閏月左近衛中將新田義
 貞攻藤島軍敗死之初義貞圖取黑丸城足利高經
 恐懼築七營以備之會平泉寺僧徒又叛保藤嶋城
 以應高經義貞欲攻之率兵濟足羽河旗作中流眾
 以為不祥義貞分兵攻七營藤島兵擾動官軍乘勢
 攻之不剝義貞聞之急引騎五千間道赴援高經遣

兵三百救藤嶋兩軍適遇敵隱楯亂射義貞兵不持
 排楯又無射手士卒以身扞義貞義貞欲馳突敵軍
 從士中野宗昌宗昌據金勝院太平記止之曰千鈞之弩不為
 鼯鼠發機無為君以身殉之也義貞不聽徑馳踰塹
 馬躓而僵適有流矢中其額義貞終自勁而死年三
 十八身年據系圖從士皆刳腹而死時霧雨昏濛故餘眾
 竟無赴援者及知其死逃散略盡北國不復支初義
 貞盛上所賜手詔於錦囊而繫之首至是敵兵獲其
 首不的知其為義貞高經檢視之得其所繫手詔始
 知其為義貞也脇屋義助收兵據越前府太平記○以

皇朝史略

七

左近衛少將源顯信為鎮守府將軍兼陸奧介與前
 上野介結城宗廣奉義良親王出鎮陸奥節度東北
 諸軍事前大納言源親房輔之參取正統記元弘日記裏書太平記○
 尊澄法親土左兵衛佐新田義興左馬權頭北條時
 行經略東國並由海頂記○九月義良親王發伊
 秘海上遇風船皆飄蕩親王船漂至伊勢篠島太平記
鳥作神風濱今從新宗良親王船漂至遠江李花集
茅集關城書裏書源親房漂至常陸撫定郡縣正統記○
太平記元弘源親房漂至常陸撫定郡縣正統記○
日記裏書源親房漂至常陸撫定郡縣正統記○
 四年北朝曆春三月義良親王還吉野正統記○秋八
 月帝不豫太平記立義良親王為皇太子集而禪

位帝崩於吉野宮壽五十二正統記吉野拾遺 在位二十一
 年正統記改元者八曰元應元亨正中嘉曆元德元弘
 建武延元略記帝天姿英毅博通書史增鏡正統記即位之
 初留心政事置記錄所以聽庶政及元弘兵興蒙塵
 數年遂復大位後狩吉野正統記臨終以元兇未殄為
 恨遺命薄葬務圖恢復慷慨按劍以崩太平記皇太子
 立是為後村上天皇
 外史氏曰 帝以俊邁之姿慕延喜延久風銳意
 圖治元應之政有可觀者播遷之禍雖 帝自取
 然非素有失德取怨於天下故海內憤怒豪雄陳





乃竟能以少康一旅之衆復齊襄九世之讎雖
 帝之獻斷使然亦會時之可為也及其欲滿志得
 極奢侈荒盤樂信讒言黜忠勲終致大亂使逆賊
 滔天而京師再陷此無他出駕馭失宜而措置乖
 方故也諸嘗論之夫天下者大器安則難傾傾則
 難正顧在措置之術何如耳方帝之復位相親
 房藤房使正成長年之徒護衛京師義貞奉護良
 出鎮鎌倉如此則不惟海內得安王室之威殆將
 復往古惜乎帝雄武有餘而獻略不足才智絕
 久而明德有關此其所以大業不終僅止偏安者

歟

皇朝史略卷之十一終

皇朝史略卷之十一

